



虞嶠朱宗伯彙選當代名公鴻筆百壽類函

春穀 許以忠君信甫 參閱

定遠 徐 榛邊實甫

新都 吳明郊子野甫 釋註

繡谷 王世茂爾培甫

金陵 周文耀汝映甫 校梓

壽啓

賀淮王壽

支大倫

伏以謨貽燕翼傳青社于維翰之邦慶衍龍圖介

繁祉于神明之胄靈符炳煥皇序延長瑞協天樞
歡騰帝里恭惟殿下瑤牒音英僊宗領袖夙藉翦
桐之緒允承訓梓之規自訟名齋遠追宣簡之德
聞義有室近同宗會之賢惟日躔於大梁迺律回
於姑洗桐華始發莫葉三飛值初度之靈均協嘉
名之正則陋謝椽擁旄之貴當宣尼不惑之年佳
氣旋陽炯炯叶西庚之吉璇光貫月耿耿燭南極
之芒行見花萼樓前茂本支於百世枌榆社內展
寶玉于長春某謬縮金章僭陪珠履欣棠棣之譁

譁爰祝松年見麟趾之詵詵永期鶴筭惟冀凝神
樂善雅意親賢念一人水木之宗惟忠惟孝鞏萬
年磐石之固如岡如陵

維翰

詩云維屏維翰言宗
藩爲國之屏翰也

剪桐

成王剪桐葉爲
戲以封唐叔

花萼樓

唐玄宗有花
萼相輝之樓

賀林邑侯壽啟

許以忠

伏以中天懸列宿輝纏紫極之宮午夜燦長庚光
浦赭圻之地絃歌萬壽樂奏九章寅惟臺下鴻漸
神京鯤搏閩海恩綸首拜三刀瑞應于宣州美錦
新裁五禱謠興于徧邑正值秋分之夕恭逢丁見
之祥玉露膏流點霞觴而增湛金蟾魄滿依壽域
以揚輝八百歲以爲秋椿樹茂琴堂之上三千年
而結寔桃花蟠春谷之中蓋不煩鳩顧熊經惟養
天和于仁厚而永集鴻禧鶴算因培國脉于靈長

者也 以忠 上庠末品下里編氓屢承解榻之譚才
 非徐穉喜際懸弧之旦願竝彭篋柰金槐蠅沉而
 一芥莫獻惟詞申燕賀而半紙自慙冀垂南極之
 光頰照華封之祝曷勝忤躍之至

鴻漸

易鴻漸于逵 逵雲路也

琴堂

子賤為單父宰終日鳴琴不下堂而治

桃實

王母謂蟠桃三千年一結實

彭篋

彭祖姓篋名鏗

壽縣尊

余鍾英

伏以春色滿曲陽令啓東皇之泰祥光彌縣宇星
 躔南極之輝佳辰正屬乎蒼靈熙事濟臻於赤紱
 蘇天常戴韓斗均瞻恭惟門下氣稟謙冲精神明
 粹用中長王國式敬列紀載之書玄理入青雲高
 論杜于私之口昭然成不朽之勝事衰兮稱平格
 之良臣兆協四靈永綏百祿九五福一日壽今方
 逾強仕之四年三千歲一開花時正值暮春之二
 日惠風和鬯雅回一氣之勻瑞藹籠葱丕挾千祥

之集壽比栢松而承茂福如日月以方升翹企龍
光預占鶴算籌添海屋舉權傳永命之祥桃獻瑤
池胥快覩長生之慶於樂壽闔未央頌言敢對誕
辰恪修華祝惟茲芹曝之敬尚邀茹納之仁臚列
別函統惟台鑒

蘇天

故人謂蘇常曰人皆一天我獨有二天

韓斗

韓愈善文學者仰之如泰山北斗

惠風和

詔出蘭亭記其時暮春初故云惠風和

賀魯王元旦千秋

于慎行

伏以內三成泰弘開萬象之春得一爲元茂祝千
齡之筭東風入律南極呈輝恭惟殿下地重親賢
德隆藩輔州分海岱郊青帝以迎年國應奎婁轉
旋儀而得歲丕膺純嘏懋對昌期將臨獻綵之辰
適值懸弧之誕日纏初度十二月成物以周天帝
與僊齡八百歲爲春而始旦紀夏正而四時肇序
考魯頌而三壽作朋某也幸列華封久依大厦望
青陽之左箇莫稱玉殿之觴慶紫府之長春願效

瑤階之筴恪陳鄙頌仰祝蕃禧伏與睿慈俯垂電

炤

郊青帝

周制孟春禘穀郊青帝

旋儀

璇璣也以定歲時

三壽作朋

魯頌三壽作朋如岡如陵

依大厦

疾風凌雨然後知厦屋之為併懾也

賀張巡道壽旦

趙可教

伏以 隴儲精翊五百年之泰運壽星注筭衍八

千歲之遐齡察宋騰歡士民共慶恭惟臺下清江

駿望黃甲蜚英常伯分晰允矣即星俊選冬官翊

理卓乎卿月揚輝秉憲紀于八閩倒懸頌什振激

揚於庶品士路肅清茲當絃賓之辰適值長生之

度天中日永方欣蒲席開樽南極星躔復快蓬弧

設戶佳氣雲蒸於宇宙采芑賡歌歡聲雷動於工

寮海天祝筭合神人而協贊與社稷而同庥蓋為

蒼赤以稱歡匪直家庭之私慶矧某鄉聯梓里辱
援葭玉之情職忝花封益荷帡幪之庇莫捧霞觴
于左右徒傾日表於雲霄薰沐陳詞馳伸引賀伏
願壽擬靈椿後三光而不老位崇台鼎偕萬物以
同春

常伯

唐百官志龍朔二年改尚書
為太常伯咸亨元年復舊

郎星

漢書郎官
上應列宿

卿月

書卿士
惟月

天中

端午為天
中令節

采芑

詩采芑章
美方叔也

賀府正堂翁壽

劉國縉

伏以玉宇懸明月英雄符五百之期金風薦碧桃
華實應三千之瑞中外歡騰得說乾坤慶協生申
恭惟閣下今古竒才天人絕學生長聖賢之地一
代儒真吐吞海岳之雄千人氣廢性命揭中天日
月羹墻孔思周情文章揮大塊煌煌霞筆力秦劬漢
骨三尺持平法部世推明允臯陶五馬建節朝歌
人服廉威趙忤俄頃功化驚富庶之風還譚笑經
綸識君臣之道合先覺任天下重生豈徒然正已

百壽類目 卷六
為庶僚風出良有為卓異安能數事璽書會見褒
嘉國欲維億萬年自今伊始古稱良二千石又何
加焉睠茲白帝之新秋適覽皇揆之初度歲星移
天上欣萬寶之告成元老駐人間開八荒之壽域
東海僊翁瓜作棗誰教青鳥啣來南宮瓊液斗為
觴親見赤雲捧出晴空慈鬱電繞虹流白日刁圭
龍降虎伏瞬元會為朝暮納品物為大年長春等
天地于劫及太極象帝先而不毀星辰行曳履丹
青閣上畫麒麟宇宙永垂名黃白爐邊羨鷄犬軍

民鼓舞僚采謳吟迺徵下里之巴詞用介上台之
景福颺休頌德固陋何辭伸紙含毫才情勉就
詞曰風清暑薄見碧天廖廓縹緲中異香落瀛島
蟠桃熟忙殺東方朔瑤臺上呼嵩箇箇人騎鶴
笑啖千年藥朱顏勝子昨由不得兆民樂願整頓
乾坤了蚤盡凌煙閣那時節收拾同赴蓬萊約

瓜作棗

漢郊祀志李少君以却老方見上少君曰臣嘗遊海上見安期生食棗大如瓜

下里之巴

宋王對楚襄王曰客有歌于郢中者其始曰下里巴人國中屬而和者數千人其為陽春白雪和者數十人曲彌高而和彌寡

蓬萊

謝自然從海求蓬萊一道士謂曰蓬萊隔弱水萬里非飛仙不可到

賀范郡伯考績兼壽誕

王兆雲

伏以南國奏殊勲三載棠陰濃化日西池慶遐祉
千秋挑寔映流霞禧衍黃堂懽騰赤縣恭惟門下
稽山毓秀鏡水儲祥以海內之真第一流爲江漢
之糧二千石高蹤并赤壁以嶙峋芳履映雪堂而
皎潔九天雨露業已期月而美聲流萬姓謳歌茲
當三年而善政治廿四考方始權輿百千歲又當
臨屆紫綬映朱顏不但擅高標于范老丹書徵皂
蓋猶將膺大任若寇公繭素將忱飲泮未膺魯頌

菲儀馳賀伸祝聊効幽風伏冀鑒原俯賜茹納

棠陰點考績事詩云蔽芾其棠召伯所植

桃寔蟠桃也西池王母所植此桃三千年開花三千年結實

范老宋范仲淹號小范老子胃中有數萬甲兵又以郡伯姓范故云然

寇公宋寇準也為北門鎖鑰膺樞筦重任

賀陳南充

馮時可

伏以玉燭調和歲成建丑之月玄英薦祉國慶生

申之年嶽降詩歌星迴律紀恭惟某官幽思遠化

麗藻揆天千年井絡之精會昌建福累世常門之

業繼武揚聲玉柱瑯函獻納總稽前古黃扉金斗

訐謨咸協大猷清時逢小歲之晨慶事值長秋之

誕揆留皇監五十始滿而初踰慶錫帝齡百年正

中而未艾筵開膺八之後欣瞻蓂莢十三會舉元

正之前仰羨鴻儀上六人皆重夫黃髮主甚眷乎

丹衷飛睿製而翰染宮雲賜金蓮而光分卿月碧
鏤脂唇之澤香竝龍涎銀合駐頭之膏美加馬乳
上台氣色夜夜傍紫宸而常明左掖韶光歲歲映
金莖而無改竊念菲劣久辱甄陶錦水雙流朝宗
之情甚切玉山重阻仰止之念彌殷謹肅荒函聊
申私臆伏願八柱補鰲極之天八方常開壽域一
手修蛾池之月一氣屢轉鴻鈞

帝門之業

帝賢父子傳經俱為丞相嘗曰
遺子黃金滿籬不如教子一經

鴻儀

易漸卦上六鴻漸于逵其羽可用
為儀言其節義可表儀一世也

壽按院啓

唐玉

海國春濃南極一星輝八表雲霄瑞藹西臺列宿
佇三台蓋孤矢之旦載臨而觀裳之慶斯集天錫
難老人願長生恭惟臺下玉闕儲英璇穹錫美握
雙峰于掌上竝峙泰衡吞五雲于胸中沂流沫泗
文章通三昧曾誇彤管雄峰學術衍九流不數青
箱盈軸襍懷備四時之元氣德量凌萬頃之清波
望之儼而即之溫威儀定命柔不茹而剛不吐經
緯為章頃樹幟皇華旋飄纓乎臺省恭膺簡命代

狩名藩風霜肅肅閩中兼垂雨露鸞鳳蜚蜚天表
 何論鷹鷂登萬彙于春臺開八荒之壽域維茲初
 度實叶佳辰西海增壽蓬島靈椿長秀色東華注
 筭堯堦神莢倍英芳凡屬倅幪咸欣舞蹈如某猥
 以駑鈍仰藉鴻庇慚爨下焦桐白甘永棄惟溝中
 斷瘠幸際甄收洵滴知源鐫銘在念因紱麟而降
 誕放籠鵠以祈年伏願宸眷益新崇禧竝集函關
 騰紫氣但有綠髮朱顏天上種碧桃會見金莖玉
 屑由服豸而蟠繡蟒昭受天祿以宜民登鳳閣以

近龍光翊贊明時而壽國

三昧

佛家以妙處為三昧

九流

儒道陰陽法名縱橫墨稷農也

青箱

王淮之仕宋博聞多識號青箱家業

鷹鷂

仇覽以德化人王治人曰得無少鷹鷂之志與覽曰以為鷹鷂不如鸞鳳

焦桐

蔡邕旅次見爨下燒桐木有聲而奇之取以為琴名焦尾琴

金莖玉屑

漢武帝作承露臺以銅為之上有仙人掌擎王盤以承雲表之露和玉屑

飲之

壽張巡道

趙可教

台曜儲精翊五百年之泰運壽星注筭衍八千歲
之遐齡寮采騰歡士民共慶恭惟臺下清江駿望
黃甲蜚英常伯分啣允命郎星駿選冬官翊理卓
乎卿月揚輝秉憲紀於八閩倒懸頓釋振激揚於
庶品士路肅清茲當蕤賓之辰適值長生之度天
中日永方欣蒲席開樽南極星躔復快蓬弧設戶
佳氣雲蒸於宇宙采芑賡歌歡聲雷動於工寮海
天祝筭合神人而協贊與社稷而同庥蓋爲蒼赤

以稱歡匪直家庭之私慶矧某鄉聯梓里辱援葭
玉之情職忝花封益荷帡幪之庇莫捧霞觴於左
右徒傾日表于雲霄薰沐陳詞馳神引賀伏願壽
擬靈椿後三光而不老位崇台鼎偕萬物以同春

常伯

唐百官志龍朔二年改尚書為太常伯咸亨元年復舊

郎星

漢書郎官上應列宿 卿月 書卿士省月

葭玉

毛曾與夏侯玄坐人謂兼葭倚玉樹

賀李總兵壽

連繼芳

伏以長子來熊西甸嵐煙消五路老人呈象東方
花果獻千年樂事駢聞歡聲翔匝恭惟臺下氣禿
風雷謀噴江海將門將子六面高牙叢閫外旗正
正而陣堂堂難弟難兄七營細柳過窠中綬纍纍
而印若若熊羆入夢郭令公端是前身龍虎載生
李光弼豈知復出當沍寒鑿冰之日正闔陰開陽
之時上將之生人主拊髀乎頗牧元戎之壽公侯
屬意乎干城黃鬪少年麒麟標其姓氏青牛老子

龜鶴羨其眉鬚某望賓筵于咫尺隔公堂于山川
聞蘇學士誕降當年見李將軍同生此日雖無南
飛之佳調以祠蘇亦有西平之功業以頌李公采
芑而北海尊開壽酒躍六師之行色僕折梅而南
山曲奏賀謳梯三捷之先聲謹啓

熊羆入夢

文王夢熊羆之兆
得姜太公于渭水

鑿冰之日

詩二之日
鑿冰冲冲

拊髀

漢文帝拊
髀思頗牧

干城

詩起武夫
公侯干城

麒麟

光武畫功臣
于麒麟閣

西平之功

武恭以李令公所服皂襖賀李
襄壽曰願尚書功業一似西平

壽陳太守

馬從龍

元陽道長清宵絢震夙之華一德儲英名世啓蓬
弧之瑞對昌辰而茂協慶衍湟源際壽域之維新
輝生嶽麓屬誕開于初度肆節踰于端陽漢署名
郎華劇羨神僊之侶唐家刺史風猷起公輔之期
展黃閣之雍容欣逢懿爍擁朱幡而奕麗嘏備純
熙澤荷燕山丹桂首五枝之茂花明洮谷仙萸舒
九葉之榮黎庶歡揚朝堂恩注某叨聯寅案祗驅
隴阪之車遙望丙光獨阻瑤池之宴敬具菲儀虔

申喜頌

朱幡漢制太守五枝靈椿一株老丹桂五枝芳馮道贈燕山詩

各撫臺謝賀壽

縻臬司而逢嶽誕莫能追
函俗之獻羔附藩案以
致野詞僅足擬宋人之祝
鴿忽承敷賁特示鳴謙
福壽不居惟塵丹心于向
日劬勞有感更懷白髮
于瞻雲傳數語而寓忠孝
謹當傳之無斃得一書
而荷情款何止藏以為榮

獻羔詩獻羔祭非劬勞有感唐太宗生日不為樂念父母劬勞之日不忍樂

壽謝相公六泰

黃汝亨

維岳鍾申千載慶明良之會
郊禡誕契八荒開壽域之禎
蟠桃蚤熟于朱明
蕙蕪重新于紫極
光生朝著喜溢簪纓
恭惟大師相某金陵毓秀玉署蜚聲
兩榜元魁望久隆于山斗
三朝啓沃德遠媿夫阿衡卓哉帝師
巍然神表某名叨附驥分屬施蘿
江右鳴琴曾臆王喬之舄漢南振鐸
緬思伯樂之逢感覆庇之有年愧涓
埃之未效頃者天貺呈祥南薰解阜
新潮三島恍疑青鳥飛來遲日五雲會

見丹砂流轉在朝在野懽呼耳順之宣尼載詠載
 歌共祝耄期之衛武何緣末學獲此奇逢遙瞻北
 斗之光怵舞南山之壽伏願葵忱日麗椿祝彌堅
 聽履上星辰小心翼翼委蛇趨禁闈令望顒顒為
 鹽梅為舟楫為霖雨元氣日固于調元如日升如
 月恒如川至帝祉駢申于上帝典儀百世樂只萬
 年

稊誕

帝嚳妃祀先稊吞
玄鳥卵而生契

施蘿

施音曳施蘿者
喻姻婭之意

聽履上星辰

鄭崇尚書事坡詩曳履星辰
北斗寒三台只隔寸雲間

賀山陰相公壽

代

姜夔

伏以南斗開尊挾飛龍而醉呂西門摘果驟翥鶴
 以要王一朝飲徧乎上池百歲驚傳乎盛事恭惟
 某官三晉儒標兩朝人表調和玉鉉備麴蘖與鹽
 梅鼓鑄金衡暢春風而化雨奕奕周官二輔休休
 秦誓一人維茲物景嘉平見蓬弧之載誌年光初
 度看欄彩以娑娑承驪膝下兩行魁名雙美舉爵
 筵前百斗冠蓋層來孔雀屏開共羨鉅家風範伏
 鷗香臬爭誇大府豪華黑頭宰相幾何青眼故人

千載唯是一官匏繫周章漢邠之郊千里蒿思寤寐雲霄之境爰摛蕪啓用展芹私所願彊飭含和贊休明於匪替儲精溉本襄棊盛以無虞

玉鉉

易鼎上交玉鉉大吉無不利象曰玉鉉在上剛柔節也鉉貫耳以舉鼎猶宰相佐

君以出治

孔雀屏

唐高祖皇后竇氏父毅曰此女有奇相何可妄與人因畫二孔雀屏間請求婚

者射二矢陰約中目皆不合祖竇後中右一目遂歸于帝

黑頭宰相

王導謂諸葛恢當為黑頭三公

賀申相公壽

周獻臣

伏以鴻樞紀誕環海嶽於休徵麟紱縹期鬯風雲於玄感五百年名世適開昌曆之期八千歲為秋願慶大年之祝驩騰龍尾祥溢鳳池恭惟某官震澤含精靈胥蘊閔帝寢賚而得說列緯述精嶽誕降而生申六符應籙冠冕彤雲之代日御寅賓羽儀玄鷲之朝星迴緹管軒臺聳構叶璿紀而定三辰舜日薰和握斗儀而齊七統帝圖開道亭毒二儀皇猷格天混融列賚夷王度於四極丹喬同文

恢天網於八紘青徼止武三朝宿老對萬年而敬
 休一德宗臣躋八方而同域瑰勳瑞命選項方虞
 惟茲上鉉開祥左弧紀瑞帝大皞司天商秋涉仲
 神蓐收執極佳月臨箕冀階抽潤南呂愜太階之
 平桂城騰馘西崑紀涼年之序乾坤之筴百二十
 際歲宿之端辰春秋之歲萬六千開申齡之初度
 傳柑天上珍厨餘玉鼎之芬唾核人間木帝吐金
 門之慶鬱元精之間氣繫宗社之庥期某庇席鴻
 庥驅趨下服辰階闕展權聞華祝之新期箕緯占
 符虛緬翹材之舊夢景崑瞻之在望頌川社之采
 增琅軸琳緗誰摹寫三皇之誥金根紫腦竝垂涎
 列會之筵所願玄化妙幹於手陶功苞蘂高昊貺
 逾綏於眉壽慶衍喬松廣成千百年邕僊風而廻
 坤軸中書二四考扶靈壽而柱乾維

寢賚

商高宗寢夢帝賚良弼因繪像求之得說於傳巖因舉為相

華祝

華封人祝堯曰多富多壽多男子

二四考

唐郭子儀歷四書二十四考其功績可紀

賀許欵縣六袞

代

吳守道

伏以泰階呈瑞高陽秀毓上台壽域開祥協氣光
騰南極屬麟紱之初度介鶴筭之長年欵仰達尊
拜稽遙祝恭惟某官德重珪璋才優鼎軸鹿鳴南
省夙推斗望之高龍出東關益增天威之重代言
禁地職掌九重絲綸秉筆石渠總領三朝制作文
衡持藻鑑桃李悉在公門辟雍屬甄陶菁莪長育
士類青宮傳德華表揭先學後臣翠幄橫經御翰
頒責難陳善調元黃閣論道黼屏懋聖學以緝熙

默成致主之效格君心以仁義坐收定國之功兒
 童知君實姓名朝野倚王曾正色所遭盛矣豈偶
 然哉昔周室維翰之生降神於岳今皇朝良弼之
 賚佑命于天粵考紫陽輿圖靈氣翕聚載稽虹井
 符讖元運循環年際載千宜文公之復出日臨重
 六逢彭祖之誕彌遭會昌辰篤生名世紫垣星燦
 式當花甲之周赤鳥雲騰晉慶椿齡之永某叨忝
 牧司幸邇相里沾海波之流潤被鄰照之餘光心
 篆鴻恩神馳燕賀遐瞻政府祝封人之三多托興
 萊台歌君子之萬壽以壽身而兼壽國以元老而
 峻元勲依宸極以常尊歷中書之二十四考贊基
 圖以永固紀太常于億萬千年下情曷任欣躍祝
 願之至

麟綏

孔子母懷孕遇麟以綏繫其角後十一月生而麟統闕里

桃李公門

唐武后門狄仁傑股欲得一佳士誰可者仁傑曰張柬之雖老宰相才也

又薦姚崇桓彥範數人率為名臣或謂仁傑曰天下桃李盡在公門傑曰薦賢為國

非為私也

椿齡

莊子大椿以八千歲為春八千歲為秋

賀沈商丘相公壽

李國祥

伏以玉燕開先喜得舊儒維枳日綸魚兆後行看
元老引松年泰階平藉補山龍巖石峻來登木鶴
維祺介福維醜申祈恭惟相公月映秋潭松喬膏
漢九龍吐水靈溪再浴僊丰一鵲化金異石重苞
侯印華國爲章爲紀雲江兩漢同文代天如綽如
綸謨典千年繼美蚤入呂尹供奉之選旋儕陶竇
待從之班舊京校士火山南金恐盡少宰題才水
鏡畫餅無收兩晉容臺適適無心筮鼎十年梁苑

槃槃有望探九方憐風月滿江湖忽訝星辰回劍履傾心海宇風流謝傅起東山加額都城瓌望溫公來北洛移風輦轂音樂有去四於朱門登譽旃裘烽火無連三于紫塞鼎味攸適共和接武於協恭棟材斯全識治追踪於熙載功崇社稷慶厚家門惟是壽車允登本之錫美然而攬揆初度適在春明金石音湊鶯簧不數鶴南飛之曲銀青光搖化錦詎寧牛西度之融酒賜醪醪天上異恩優直相杖閒靈壽人間好事寫耆英陰隲陽酬不爽伯恭之報意新才壯有合貞觀之稱翊一人共登春臺庇六合同躋壽域某蠡測識卑黽飲意廣慕劉晏焦心一水效王景畢力千堤儒緩多愆僕勞勩益憶昔紱麟之繡稱今泛鶴之觴旅燕莫從走鳥專致馮之尺素暴以寸丹伏以日百天賜長曙三台之色冰鮮玉潤永肩八柱之承奚仰鱗潤波臣且藉羽儀宸極

介福

易晉卦二爻受茲介福于其王母

東山

謝安居東山或曰安屆不出當如蒼生何

壽類
卷六
二三
蠡測

漢東方朔答客難曰以管窺天以蠡測海豈能考文理通條貫哉

鼯飲

莊子鼯鼠飲河不過滿腹

賀許相公壽

余鍾英

河圖呈象重六畫而爲坤洛書衍疇九五福而曰
壽是惟順承之地道允稱平格之王臣率壤具瞻
同朝甚喜恭惟某官氣稟黃山之間值道續紫陽
之真傳貫串古今千數百年運之掌上轆轤宇宙
二十八宿羅於胸中天挺人豪生應坤爻之六帝
資良弼位聯台座之三時惟季夏之期序屬宣明
之候六陽全盛生萬物而光輝衆寶告成開八荒
之壽域日躔鶉火天值嘉辰律應林鍾人歌旁午

五百年而生名世惟此其然八千歲以為春秋自
今伊始於惟繁祉宜錫元臣其辱出師墻遙瞻相
館觀海籌之添一諒臻純嘏之長效嵩嶽以呼三
式獻熾昌之咏於樂壽豈未央頌言

衍疇

大禹因神龜出洛推行為疇一五行而二
五事三八政而四五紀六三德而七稽疑

八庶徵而九福五為皇極
居中與河岳相為表裏

海籌

老人曰海水變粟田吾以
一籌記之今籌滿屋矣

嵩呼

漢武帝登神嵩吏卒聞呼
萬歲者三今山呼此始

賀張新建壽

朱多煥

伏以周基肇造渭濱大老秉台衡宋運方隆洛社
耆英司鼎鉉年高德劭髮皓心丹恭惟某官廬嶽
降神負圖翼聖長唐應宿間氣主申入覲紫宸雨
露九重優渥晉司黃閣陰陽二氣調和元台爵極
三公大雅才雄百代乃者鯨鯢攘禍于東洋虎豹
肆殃于西土選將出師實藉廟廊勝筭轉漕給餉
全資帷幄訐謨䟽悅聖顏威寒賊胆掃穴犁庭喜
奏凱旋之捷執俘獲馘恭修飲至之儀行賞遍及

于戰攻論功先歸于發縱重瞻沕穆依風再覩太
平盛際鴻業億萬年史須實錄龍沙五百載識不
虛傳茲當三陽開泰之期適值六甲初週之度正
為歲首萬福自此方新十乃數全百歲于今預兆
極星垂芒于碧漢婉始引珮下瑤池聖明濡澤躬
割牲奏俎之勤僚采承風輸獻幣執漿之敬四國
咸祝罄宜九夷盡歌戩穀展也清朝之名世卓哉
盛代之達尊某幸逢勝會未效微忱竊踪榻里素
懷北斗之瞻稽首金陵恭致南山之祝附伊衡翼
佈此隴私

洛社耆英

文潞公慕唐白樂天九老會乃集潞
中公卿外高有德者為耆英會就資

聖院建大廈曰耆英堂命鄭
真繪像堂中共一十三人

寒賊膽

宋史軍中有一韓西賊
聞之心膽寒謂韓琦也

瑤池

仙傳崑崙圃有玉樓十二玄室九層左瑤
池右翠水環以弱水九重非驪車羽輪不
可到

賀張相公

趙士登

恭惟相公閣下百伐偉人卓爾雲鴻之表三朝元老昂然海鶴之姿奠社稷于太山迥邁韓稚圭事業鞏室家于棄土直追姬公旦勲名輝徹上穹瑞呈南極惟端陽之盛節實初度之芳辰乘大夏而撫長羸生氣既昌既阜綴靈符而縈彩縷壽祺彌永彌臧某仰斗心懸觀風職繫遙對黃扉而獻頌率先赤縣以稱權伏願穆穆迂衡恢寶曆億萬年之運更期綿綿增筭總金函八千歲之禧

素土

(詩) 鴟鵂篇迨天之未陰雨徹彼素土

南極

壽星也老人形而主壽喜

仰斗

唐韓愈有重望士人仰之如太山北斗

賀華亭相公壽

胡植

伏以位正元台千載遘明良之會祥垂南極八荒
仰仁壽之占惟平格乃受天申肆中外同厯華祝
恭惟某官星纏異稟嶽鎮殊鍾神奇蚤著藝林學
術遠窺聖奧擢歸科而溫袍不屑志素類於王曾
登丞弼而吐握益恭道實同于姬旦亮節屹類波
之砥柱善類仰為宗模壯猷廓巨浸之艦舟蒸庶
俟其利濟蓋抱忠貞而自見辭寵利而不居望重
儒紳功禪社稷用是天心克享而祉慶大來帝眷

逾隆而筦樞專昇輿情共戴世運一新屬寰宇更
化善治之秋適台席花甲甫周之候天顏有喜嘉
元輔壽域初登衆志交訢幸師相康彊未艾矧金
飈薦爽玉宇呈清棣華珠樹交輝桂子蘭芽競馥
諸祥畢集百順駢臻僊辰逢初度而益增台抱對
佳辰而竝暢此實熙朝之盛事相府之隆熙也某
猥慚駑乘而夙荷甄收跂望龍門而未由摠賀敬
馳一介之使薄申三祝之忱伏祈箴儆不忘崇護
彌至燮調元氣翊國祚于靈長蕩滌澆風躋世道

于沕穆永介岡陵之筭丕垂鼎鉉之勛

志類王曾

宋王曾及第人曰狀元戲三場一生契着不盡曾曰平生之志不在温飽

龍門

漢李膺為人仰望世有被其容接者如登龍門

岡陵

詩如岡陵

賀張新建壽

馮時可

伏以東皇鑰啓瑞氣藹于旬初大皞規移融風動
于弘後當此迎陽之際適舉介壽之觴赤舄生輝
黃樞動色恭惟相公閣下學窺衆妙治贊一貞豫
章之虬幹參霄蟬游難撼豐城之龍光犯斗璫珥
不干發讜論于先朝九天風雷虢虢明正學于近
世諸家爍火皁皁坐燮洪鑪散作陽和萬里立扶
大斗掃除塵霧九陞皇覽初揆國誦無疆之福帝
祉方茂朝瞻不老之容設壽筵于螭頭雲飛三素

薦春盤于鶴禁香動五辛絲燕宮裁效青書于典
午鮮龍御饌咤奇事于司空切玉署而香浮一枝
梅綻傍金莖而秀發十葉莫開某久荷甄陶近承
顧盼心飛小苑脉脉新波目斷長揚依依曉樹謹
修獻爵之敬聊攄化鵠之衷伏願常為帝者之師
一編黃石永作黃圖之鑒數語丹書

龍光

雷煥因張華之問對曰寶劍之精上徹于天在豫章豐城華遂補煥為豐城令掘獄

得雙劍一曰龍泉一曰太阿其夕斗牛間光不復見

黃石

漢張良得黃石公素書用以佐高祖其後登山見黃石而祠之

賀張鳳磐相公壽

羅萬化

天啓昌辰寶曆應萬年之景運帝資良弼瓊面徵
五福之修齡光燭上台祥依北斗仰觀象緯俯愜
輿情恭惟閣下累朝元老曠世達尊山以西毓粹
鍾靈間出鳳凰之瑞海以內嚮風歸化永貽磐石
之安至誠結主上之知先覺任天下之重措太平
於紳笏多士彈冠紓康濟於朝堂羣生挾纊惟茲
建午之月實際生申之晨南極流輝東華注筭酌
兕觥而瞻龍袞錦連珠履三千拜金闕而薦瑤觴

班舞玉樓十二遍人寰而慶忭率區宇以歡呼某
敬迓鴻禎共申燕賀喜同青鳥為傳天外之音心
切丹葵竊向日邊之影伏願長為柱石永濟鹽梅
享祿位名壽以無疆奚啻中書公二十四考毗社
稷山河於永固還齊聖天子萬有千年

良弼

高宗夢帝賚良弼旁求而得傳說

珠履

孟嘗君門下客以珠飾履者三千人

青鳥

漢武時七月七日青鳥飛殿庭東方朔曰此西王母也

二十四考

唐郭子儀為中書令凡歷二人四考

賀張新建壽

鍾萬祿

恭惟某官南浦鍾靈西山發秀貳台衡而立極名
重金甌叅國柄以張紘功全玉鉉時逢建午序屬
生申薰風迭而永日臨藹紫閣黃扉之佳氣湛露
重而慶雲布紛銀鬪翠管之渥恩且聯元宰以昌
期得朋有慶共翊聖皇於撫運十世無疆斯九萬
國同懽奚啻一門私喜某馳驅南甸未賡嵩嶽之
歌慕戀中堂聊效豳風之祝惟調化而常居大夏
益歛福以茂衍長春

金甌

唐元宗命相皆先御書其名案上會太子入侍上舉金甌覆其名注之曰此宰相名也

黃扉

漢丞相金印紫綬黃扉黑幡所以異車服也唐皮日休詠房杜詩云魁然真宰相

宰相黃閣三十年

得朋

得朋乃終有慶

賀梁中丞壽

喻世卿

伏以化應長春道隆夷泰風雲望洽孤矢光遙桃
熟三千應崑姿之彌劭運隆五百徵天眷之重申
恭惟臺下含元履貞宣靈握秀馳聲駿烈懋業高
華九服登其熙臺百年躋於壽域乃茲降神嵩嶽
孕粹天星哲人肇初度之祥僊籍益長生之筭喧
喧簫鼓雅雜雲璈嘒嘒芳馨珍參石髓指岡陵而
為祝比松栢以同堅某雅荷眷知躬逢盛事術恩
六察幸參烏府之班行將命兩河奚取豸冠之揚

厲顧崇閔之既遠思執爨之無由然澗芷可羞行
 潦稱潔謬儀馳賀薄具為將望霄駕於旌旄坐擁
 羨門歌廣樂遡芝眉於尊俎笑招金母問蓬萊
 某臨啓無任欣忭祝願之至

弧矢

記男子始生懸弧于門蓋葉弧蓬矢射于四方以見志在四方也

美門

紫陽真人周義山人蒙內遇羨門子乘白鹿佩青髦之節十餘玉女義山再拜乞長

生要訣美門曰子名在丹臺玉室何憂不仙

芝眉

唐元德秀字紫芝房瑄每見嘆曰見紫芝眉宇使人名利之心都盡

賀王冢宰壽

江一山

伏以西岳生申載衍椿齡之慶南宮開宴適臨花
 甲之周祥獻春初喜深鄉末恭惟某官兩朝元老
 五福基圖績學克明乎元經延譽實收乎珠樹成
 名弱冠拜秩清銜執簡鑿坡慎先朝之紀錄揮毫
 玉署渙當宁之絲綸盡讀中秘之書洪鍾待叩歷
 陳太平之策金鏡高懸翠幄橫經得講師之三昧
 青宮毓德進大傳之兼階鑒別惟公銓鏡有光於
 崔胤薦剡必審啓事不減於山濤惟茲八座之耆

英允作百僚之師表天生碩輔降元宵五日之前
壽祝長春會甲子一巡之始某情關棗梓壽擬岡
陵海上薦蟠桃坐見洪崖之得道禁中傳制草行
看路國之平章願百年沛霖雨之施聽千里穆清
風之頌

金鏡懸

唐太宗賜高季輔金背鏡表其清鑑

啓事

晉山濤爲尚書居選職十有餘年每缺一官輒啓擬數人濤所奏甄拔人物各爲題

日時稱山公啓事

壽沈軍門

龔道立

伏以開府統麟岳紫氣祥臨海嶠轅門增鳳籙台
樞瑞貫雲車僊老添壽工僚踴躍恭惟天爲唐虞
誕臯夔之良弼地鍾吳越握經綸之褒文金鸞早
直乎宸墀銅海分符於溫省羽音司令時維陽月
之交朔始更端恭際生申之會函蒙祉福已占于
平格天隆錫美元符難罄乎揄揚風動蓋玄穹旣
有心于聖世而年所自難老乎元臣某函谷鬚眉
愧寡次公旨畫金籠雲羽緬懷鞏氏陰功羈職守

於封疆惟遙稽乎山斗願熙事與熙績而嘉生期

天爵同天爵以竝茂

雲車

魏文帝生時有雲氣青色而圓形如車蓋望之者知為上貴

平格

畫天壽平格謂天無私壽惟至平通格于天者壽之

函谷鬚眉

錢穆公尹開封生日楊次公畫老子眉詩曰秘藏函谷關中叟來獻蓬萊

閣上僊願得鬚眉如此
老邵教龜鶴羨長年



